



## **Tshekuan tshe ui tshissenitakanit ne tshishtaikan tshetshi nakaikanit ne akushun, manitushiss COVID-19 ute Kanata-assit**

Ishi-atushkatakanu tshetshi auenitshenat ute Katana-assit ka that minakaniht tshishtaikannu e minuanit mak e shutshenitakuannit tshetshi nakaikanit ne akushun, manitushiss COVID-19

Ne tshishtaikan eukuan anu ka uitshiuet tshetshi eka ashushkamatshenanut akushuna ka ashu-minitunanut mak tshetshi atshunakanit etashkakut auen nenu akushunnu, miam ne kaushtastakanit eshpitapipuk kie ma auassiu-akushun. Tshishtaikan ka minuati mak ka shutshenitakuak tshetshi nakaikanit ne akushun, manitushiss COVID-19, tshika tshishtpeuatikunan miam kau mussipanit ne manitushiss, mak tshi uauetashtakanniti nenua tshishtaikana eukuan tshe mishta-apatak tshetshi kau ishi-inniuiak<sup>u</sup> miam ka pet ishi-inniuiak<sup>u</sup>, ute Kanata-assit mak eshpitashkamikat, eshinakuak tshetshi akua aitananut. Kanata-tshishe-utshimau ushkuui, mishue ishpish tshi aiteit, tshetshi katshitinak nenua tshishtaikana ka minuati mak ka shutshenitakuaki mak eshi-takuaki atusseuakana tiapataki, utshenat tshe katshitinahk Kanata-assit ka taht. Kanata-assit ka taht tshika ui tshissenitamuat umene tshishtaikannu tshe takuannit tshetshi nakaikanit ne akushun, manitushiss COVID-19.



### **Eukuana ne muk<sup>u</sup> tshishtaikana ka minuati mak ka shutshenitakuaki tshe tapuetakaniti**

**tshetshi apashtakaniti anite Kanata-assit.** Kanata-assi ishi-nishtuapatakanu ute eshpitashkamikat ishpish akua aitiht ne e tshitapatakanit [e minu-natu-tshissenitak mak tshetshi tapuetahk tshe utinahk nenua natukuana mak tshishtaikana](#) mak nenu eshi-pimutet [e minu-nakatuenitakaniti](#); ne tshe ishpish akua aitananut mak eshi-pimutenanut tshe mishta-minu-nakatuenitakaniti. Kanata-tshishe-utshimau katshitinamupan tshetshi kutshipanitat natukuna ka tutakaniti nenua ka shutshenitakuaki, kie uitshi-atussemeu mishue eshpitashkamikanit nenua neshtuapataminiti atusseunnu takuaimatsheuna tshe nashakaniti tshetshi ut nakatuenitak nenua tshishtaikana tshetshi nakaikanit ne akushun, manitushiss COVID-19 menuati mak eshutshenitakuaki eshk<sup>u</sup> eka ne tshitshue tapuetakaniti.



### **Kassinu auen tshika tshi katshitinam<sup>u</sup> nenu tshishtaikannu.**

E tshitapatakanit shuniaue eshpanit mak eshi-uauitshiuenanut ute eshpitashkamikat eka e takuak tshekuan tshetshi patashtautinanut, anu 150 takuana tshishtaikana eshinakuak tshetshi nanatuapatitshenanut ute eshpitashkamikat mekuat ume anutshish. Kanata-tshishe-utshimau [uauitshiaushiu nianatuapatitshenannut ute Kanata-assit, kie shash tshi tapuetam<sup>u</sup> nikan tshe aiat](#) mitshet peiku-kauenutishit nenua tshishtaikana tshe uitshiueti shash ka minushtakanit ute eshpitashkamikat. Ek<sup>u</sup>, Kanata-assit ka taht tshika tshi katshitinamuat nenua tshishtaikana ka ka minuati mak ka shutshenitakuaki uipat nenua aieshkushtekau. Nenua tshishtaikana tshe eka kassinu mamu papanniti, nitaiatan nikan mitshet nenua tshishtaikana tshe mishta-minu-uauitshiueti. *Santé Canada* nakatuenitam<sup>u</sup> [tshetshi minu-tshitapatakaniti mak tshetshi tapuetakannit tshetshi utinakaniti](#) nenua tshishtaikana ua nipatakanit ne akushun, manitushiss COVID-19, tshetshi uipat apashtakaniti, ashit e minu-nakatuenitakanit nenua tshishtaikana ka tshi ut mitshetuau minu-natu-tshissenitakaniti mak eka kueshtikuaki.





**Miam nenua tshishtaikana, peikuu tshi tapuetakanit tshetshi apashtakaniti, pitama tshika ishi-patshitinakanu e tipaimatshenanut, ushkat tshe tshishtaikaniht eukuanat anitshenat ka ishinakuannit tshetshi katshitinahk nenu tshishtaikannu.** Uiesh tshe ishpishat ne tshishtaikan peiku-kauenutishit anite nenua ushkat etatushkananut kie ma pimishua, tshi ne tapuetakanit anite ut *Santé Canada* (Minuinniu ka tshitapatakanit Kanata-assit) tshetshi apashtakaniti nenua tshishtaikana Ne ua issishuenanut anitshenat tshishe-utshimauat tshika uitshi-atussemituat mak tshe shaputuepaniht e natuenitamuaht nenua kaminu-tshissenitaminiti tshekuannu, miam anitshenat [Kamamunakaniht mishue kanatu-tshissenitakanit tshetshi minushkatshet ne tshishtaikan \(CCNI\)](#), tshetshi ut tshissenitakanit tshekuan ushkat tshe ashtakanit ne e uitakanit tshishtaikan. Ekute tshe katshitinamak<sup>u</sup> anu tshe ut mishta-minupaniuet e akua tutuakaniht auenitshenat anite ka kushtikuannit ka taht mak anitshenat ka uitshiaushiht tshetshi shaputue uitakanit ne eshpishipanit akushun, mak tshe shaputuepannanut ne atusseun anite mamu katananut mak pakassiun e tshitapatakanit. Ne tshe ishi-pimutenanut tshishtaikan e uitakanit tshika mishituepanitakanu ne e tshitapatakanit ishpish kanuenitamak<sup>u</sup> nenua tshishtaikana.



**Aiat tshetshi tshishpeuatitishunanut ne e uitakanit akushun, manitushiss, apu uesha shaputue uapaki tshka ut minushtet.** Peik<sup>u</sup> ne tshishtaikan apu uesha tshika ut ishpanit tshetshi ut peik<sup>u</sup> auen ushimikut. Put minuat peikuu tshipa tshi uishamikaun tshetshi tshishtaikauin tshetshi tshiat aiat minushkakauin. Eshk<sup>u</sup> apu tshissenitamamat tan tat<sup>u</sup> auenitshenat tshipa minushkakuht kassinu e tshitapatakanit etashunanut, tshetshi ut utitaimak<sup>u</sup> ne [mamu etashunanut tshetshi ut ushimuiakaniht auenitshenat](#) tshetshi ut minu-uitakanit. Muk<sup>u</sup> pitama, anitshenat Kanata-assit ka taht tshika ui shaputuepanuat e tshishtaiputitsheht, tshetshi [auen tat uitshit](#) akushiti, tshetshi nashak umenu eshi-natuenitakannit miam [tshetshi eka peshuapamitunanut](#), tshetshi auen tshikamutat [utashtamikiuannu miam eshinakuanniti tshetshi tshikamutat](#), tshetshi ishpitenitak [neneun e uitakanit](#), mak tshetshi [pimipanitakanit uapekaikanapui mishue anite ussit](#).



**VTshishtaikan tshetshi nakaikanit akushun, manitushiss COVID-19 shetshen tshika patshitinakanu.** Shaputue kie aiat tutakanikaui kie patshitinakanikaui nenua tshishtaikana, nitenitenan tshetshi minitshit kassinu Kanata-assit auen ka tat pakushenitaki tshetshi tshishtaikanit shetshen. Tshessenitamamat eshpitashkamikat etaiak<sup>u</sup>, nitissishuetan tshetshi iapit nakatuenimakaniht anitshenat [ait-assit ka taht eka ka mishta-ushuniamiht kie ma tashtuait ka taht tshetshi kie uinuau katshitinahk nenu tshishtaikannu](#) peikuu kie ma mitshetuau nenua tshishtaikana e minuaniti mak e shutshenitakuanniti ne ua nakaikanit akushun, manitushiss COVID-19. Eka ne tshishpeuatikiuakaui kassinu etashiak<sup>u</sup>, uemut tshe kushtikuak tshetshi katshitinamak<sup>u</sup> ne akushun, manitushiss COVID-19.



**Ne tshishtaikan eukuan tshe ui naushunakanit tshetshi ut tshishpeuatitishuiak<sup>u</sup>, tshin, tshikanishat mak kassinu auen e uinakanit.** Ne tshishtaikan eukuan [auen uin uetshit tshetshi naushunak](#), kie mitshet Kanata-assit ka taht essishueht ne tshishtaikan eukuan ne tshekuan tshe ui minu-utinakanit tshetshi minuinniut auen mak meshta-apatak anite e tshitapakanit tshetshi nakatuenimitishut auen ne ka mishta-akushit.



**Nitapuetatishunan tshetshi uitshi-atussemitshiht Kanata-assit ka taht mak tshetshi nanitam minitat aimun.** Uemut tshika amatshuepanitshe ne eshpanit, peikuan kie ninan nanitam tshe minitat aimun. Nika ashpitshishimunan ne eshi-pimutenanut anite mamu katananut minuinniun e uitakanit ka minu-atushkatet, e tshissenitakanit tshe aitinanut mak kanaanatuapatitsheht utshissenitamunnuau, kaishpakushiht auenitshenat akushunnu ka tshitapatak, ne atusseutshuap e uitakanit mak anitshenat utshimauat utenaua e uitakaniti, mak innuat utshissenitamunnuau, tshetshi ut nashamak<sup>u</sup> anite etutikuiak<sup>u</sup> anite itetshe ne tshishtaikan tekuak ka minuak mak ka shutshenitakuak tshetshi nakaikanit ne akushun, manitushiss COVID-19. Tshika tshi shaputuepanau e nashamek<sup>u</sup> ume eshpanit e natshittshitapatamek<sup>u</sup> anite [Canada.ca/le-coronavirus](https://Canada.ca/le-coronavirus) mak umenua [anite ka patshitinakanit aimun e shutshenitakuak](#) ne aimun petshitinakanit.